

निर्भिन्नं । पा॒शान॑मे॒व नि॒र्कृ॑तिं नि॒रव॑दयते । कृ॒ष्णा-
कू॒टा दक्षि॑णा स॒मृ॒ध्यै । आ॒ग्ने॒यम॒ष्टाक॑पालः॒ सेना॑न्यो
गृ॒हे । सेना॑मे॒वास्य॒ सः॒श्यति॑ । हि॒र॒ण्यं दक्षि॑णा स॒मृ॒-
ध्यै । वा॒रु॒णं द॒शक॑पालः॒ सूत॑स्य गृ॒हे । व॒रु॒णस॒वमे॒वा-
व॒रु॒न्धे । म॒हानि॑र॒ष्टो दक्षि॑णा स॒मृ॒ध्यै । मा॒रु॒तः स॒प्त-
क॑पालं ग्रा॒म॒ण्यो गृ॒हे ॥ ४ ॥

अ॒न्नं वै म॒रु॒तः । अ॒न्नमे॒वाव॑रुन्धे । पृ॒श्निर्दक्षि॑णा स-
मृ॒ध्यै । सा॒वि॒त्रं द्वा॒द॒शक॑पालं क्ष॒त्तुर्गृ॒हे प्र॑सूत्यै । उ॒प-
ध्व॒स्तो दक्षि॑णा स॒मृ॒ध्यै । आ॒श्विनं॒ द्वि॒क॑पालः॒ सङ्ग्र॑ही-
तुर्गृ॒हे । अ॒श्विनौ वै दे॒वानां॑ भि॒षजौ॑ । ताभ्यामे॒वास्मै॑
भे॒षजं॑ करोति । स॒वा॒त्यौ दक्षि॑णा स॒मृ॒ध्यै । पौ॒ष्णं च॒रुं
भा॒गदु॑घस्य गृ॒हे ॥ ५ ॥

अ॒न्नं वै पू॒षा । अ॒न्नमे॒वाव॑रुन्धे । श्या॒मो दक्षि॑णा
स॒मृ॒ध्यै । रौ॒द्रं गा॒वीधु॑कं च॒रुम॑क्षावापस्य गृ॒हे । अ॒न्त-
तए॒व रु॒द्रं नि॒रव॑दयते । श॒बल॒उ॒द्वा॒रो दक्षि॑णा स॒मृ॒-
ध्यै । द्वा॒द॒शै॒तानि॑ ह॒वीः॒षि भ॑वन्ति । द्वा॒द॒श मा॑साः
सं॒वत्स॑रः । सं॒वत्स॑रेणै॒वास्मै॑ रा॒ष्ट्रम॑व॒रु॒न्धे । रा॒ष्ट्रमे॒व भ॑-
वति ॥ ६ ॥

य॒न्न प्र॑तिनिर्व॒पेत् । र॒त्नि॒न॒आशि॑षोऽव॒रु॒न्धीर॑न् ।